

太上三十六部尊經

上清境上通經

太上三十六部尊經
太清境經上

太清經

徹視經

集仙經

洞淵經

內秘經

真一經

已上六經同卷

太清境太清經第一

皇天之炁悉下生后土之炁悉上養五行之炁悉相生四時之炁悉相通凡天下之民均同是性天性既善悉生萬物無不置也地性既善養生萬物無不置也聖人悉樂理天下而實法天地故萬物皆受其功大善神仙真人助天地而不敢輕尊之重之愛之佑之悉與元氣同與天心相符與地與相得故獨長吉而無凶也古者聖賢之人深思遠慮乃知天道故專行善不教為惡後世巧偽務行惡

日七

業而欲去凶遠害不可得也且欲示子一法可以終古自養而極至者不可暫忘也今人欲去凶而速害得長壽者本當保其自愛自好自親以此自養乃可無凶害也身得長保飲食以時調之不多不少是其自愛自養也閉門戶居內不與俗事是自愛自養也而盡日求道根源安貧樂賤無憂而已是其自愛自養也若以此而為自愛自養不可得也夫自愛之道在誠雖應世而不見其擾雖處靜而不見其拘見人之過不以為過而還自視未嘗須臾離之是自愛之道也夫自養之道在於無憂晝夜運動未嘗役於其心是自養之道也若能信是而行萬劫受用無有窮盡我自天地未判之先太清之外不可稱計虛無自然渾合真理一切無有汝等若非吾設大法教普為宣說無復得聞如是要法視之不見聽之不聞若言有不見其形若言無萬物得之以生百億變化浩浩蕩蕩無前無後無圓無方無去無來無生無滅無形無像無高無下自然空玄分形之後方有天地日月

星辰道法開明一切群生得聞是法快樂自
然無有邊際本性皆空非觀心照等於虛空
自悟本性因緣無有他想平等無有異念若
能忘心念誦深心受持則能滅除一切宿障
皆得和合厄難俟清身心清靜而說偈曰

樂求勝法 斷色斷識 具足行之 遠發遠貪
如是果報 無礙無障 清靜自然 無有餘穢
樂法為妻 愛經如玉 慚愧之心 常生回向
心意柔軟 所說修行 多增智慧 以為覺悟

太清經靈符

德 康 寧 壽
康 康 寧 壽
康 康 寧 壽
康 康 寧 壽

太清境太清經終

太清境徹境經第二

學道修真種道濟度應當發心學道從初至
終念念持齋心不進忘心滅心終始運意
行坐動形寂若死灰同於枯木滅一切想滅
一切念滅一切心則隨念隨忘神行不離歸
心於寂真至道場謂定心至道起真玄真至
道福降無窮災消未兆隨力修行惟竭一心
丹心瞻望十極燒香禮拜運身運心歸身歸
命恭敬道祖三寶抽捨淨財市諸香油八珍
百味營饌供養請命道士歸心啓告懇祈至
真如此運心洗諸塵累宿根罪惱生死愆尤
等一至誠齋修萬善內外洞徹過照萬方令
諸衆生同得瞻視其福無量不可思議若或
齋戒精忍上道萬慮都泐我我忘虛室生
白真靈玄應此最上道所修若復有人發無
上心欲有歸向皆須持齋始啓本心上救七
祖窮克下及己身獲災厄增延福壽獨運
至誠設齋關度必使萬劫九夜鍊鍊三清命
延年長神仙得道思賢慕道以彼之有開此
之無以彼之德關此之惡破其怪會成其尚

行清靜身心神氣運用往來無窮無有滯塞
祈告天地啓告明靈須絕妖氣精潔內外皆
欲泯其萬境息此六情普洗煩心徧證諸想
故學道者不勤行業不修齋戒難達至真徒
勞山林凡持齋嚴奉戒律務欲行道歸奉上
清求真學道鍊氣延生普及人天徧資凡聖
然上士所行非凡下能奉夫金籙科品保鎮
國祚消災延壽玉籙要品保安社稷永絕干
戈黃籙正範開寬度爽徧及生死聖凡同修
自然廣濟幽明普救一切孤滯徧救一切九
幽苦爽三元八節本命生辰學道修身謝愆
求福救諸三途五苦八難牢獄疾病死亡之
厄持念神呪辟斥瘟災時行疫癘邪惡故氣
復有金房天寶正一太平五鍊首教等經精
勤行道依奉正範各具本經而說偈曰

燒香建齋 功德無量 甘露法食 解脫為漿
示彼之有 現諸國土 供養十方 無量道寶
及諸衆生 而修淨土 教化衆生 具習威儀
施無畏力 發無上道 普伸啓請 而示其行

徹視經靈符